

袁州府志卷之十

人物列傳

袁山峯巉峻湍激迅奔故其人象之多磊落不羣  
至德行忠節經術文章後先相望歷歷可考紀實  
論遠聞者其興乎

漢

陳重字景公宜春旌儒鄉人

今隸分宜

少與鄱陽雷義友


善俱學魯氏詩顏氏春秋郡太守張雲舉重孝廉  
重以推義不許明年義亦舉與重胥為郎有同署

袁州府志

卷之十

郎負息數十萬責主日至重代之還而終不言又  
同舍郎誤持鄰舍郎綉去主疑重重不辯市綉償  
之後同舍郎至以綉還人服重長者後俱拜尚書  
郎義黜重亦病免義復舉茂才亦以推重刺史不  
許義山是不應命時人語曰膠漆自調堅不如雷  
與陳未幾三府同時皆辟陳重雷義賢拔重細陽  
長治有異政特遷會稽太守又以司徒辟拜侍御  
史後二人同隱居鷄足山卒合葬今即其地名陳

雷里



彭翼宜春人獻帝朝歷建平長北海太守封宜春侯

晉  
施游宜春人仕為太常寺博士安南將軍歷九江太守封安成郡宜春侯

梁  
湛佗宜陽人仕為宜猛將軍散騎侍郎

隋  
譙德衡宜陽人仕為信威將軍本州刺史封安成侯

唐

袁州府志

卷之十

二

漢賁宜春人初為州吏其妻與彭伉之妻兄弟也伉

舉進士第親族集賀之座皆名士以賁胥獨飯之

後閣妻數之曰男子不自振勵顧困辱如此賁由

是感憤力學一舉登進士上第伉聞賁舉方跨驢

赤板橋驚墮地時人語曰湛賁登第彭伉落驢

彭伉宜春人祖雲玄宗時徵士伉貞元間擢進士第

授石泉縣令歷官岳州錄事叅軍有聲

盧肇字子發宜春文標鄉人今隸分宜兒時見宜春令盧

夢奇之曰子果有公肇于是益力于學舉會

昌二年鄉試入京獻書侍郎王起時起知貢舉遂以名薦擢進士第一授潼關防禦判官初肇之未舉也李德裕謫州長史殊遇肇後肇應進士德裕復入相見肇至喜曰吾喜爲金榜得狀元矣遂魁天下爲判官雖受裕知己絕無倚附久之使相盧商太尉裴休左僕射盧簡求先後奏辟從事稍遷著作郎除倉部員外郎克集賢院學士進朝散大夫持節欽州諸軍事柱國欽州刺史肇于是觀日月之運察盈虛之理審黃鍾窺碧落倣司馬遷張衡之書廣相如子雲之奏爲海潮賦且叙其詞以獻賦成上之詔褒諭宣付史館移真宣池二州遷吉州刺史卒所著有文標集子文秀咸通中進士爲長安令有聲官至弘文館學士

易重字鼎臣宜春人會昌間舉進士第二是年張潛第一會有詔覆試潛黜以重代之官至大理評事著文千餘篇今云游宦筠之上高袁州狀元在唐有盧易或云韓退之之也重子贇五代史載係文贇仕南唐雄州刺史子延慶見考行

盧絳俱舉族子邈唐末預湖南計偕舉進士獻  
迴文詩二百首官至祕書省正字絳字晉卿南唐  
初屢舉進士不第入金陵詣後主言當時利害請  
自京口至潤壁立柵戍守要害數十事疏入未報  
又書謁光政使陳喬與語竒之表絳光政院承旨  
尋轉沿江兵馬監押絳募人習水戰得馬雄等教  
之進退行列旋運如飛屢獲吳越舫艦以獻宋師  
渡江後主召絳爲凌波軍都虞侯稍遷沿江都部  
署吳越王錢俶以兵助宋克常州進攻潤絳以舟  
師逼京口而陳破吳越軍授潤州節度使時守將  
劉澄謀以城附宋絳冒圍奔宣州金陵降絳率其  
衆攻新安殺刺史龔慎儀趨福州江南郡縣頗動  
宋詔其弟徃招之始不及見太祖問之曰臣知事  
李氏而已會慎儀兄子侍御史頴訴絳賊殺從父  
損辱國威詔執付吏有言絳武勇乞全之太祖曰  
絳狀類侯霸榮留之恐自貽患遂殺絳

黃頰字無頰宜春人韓愈爲州刺史頰師之爲文章  
遂大振與盧肇齊名素不相下頰鄉試高等而肇

狀元及第會昌末頗亦舉進士爲監察御史有文

子篇行于世

一作云子  
一作十

鄭史字惟直宜春人開成元年進士爲易學博士積  
官永州刺史有賦百篇亡又有詩十二首見宜陽  
集子啓谷

鄭谷字守愚穎悟絕倫七歲能詩侍郎司空圖嘗與  
史同院見谷竒之問曰某詩有病否谷曰嘗見曲  
江晚望斷篇云村南落日閒回首一對鴛鴦落渡  
頭卽意深矣司空喜拊其背曰當爲一代風騷主

袁州府志

卷之十

五

光啓三年中進士第始爲京兆府鄠縣尉後爲拾  
遺補闕當時正人多稱之乾寧四年以都官郎中  
退居于仰山東莊之書堂以卒谷詩清婉明白爲  
薛能李頻所稱其淵源自得窮極理致往往人罕  
知之僧齊已有詩名以詩謁谷有自封修藥院別  
下著僧牀之句谷曰善則善矣有一字未安數日  
復至改云別掃著僧牀谷嘉賞結爲詩友齊已早  
梅詩云前村深雪裏昨夜數枝開谷曰數枝非早  
也未若一枝齊已不覺設拜自是士林呼爲一字

師谷始登第與許崇任濤張蠙李栖遠等十八同  
有聲謂之十哲而谷尤以吟詠顯有詩四百篇嘗  
從僖宗登三峯朝謁之暇寓止雲台道舍自編其  
集曰雲臺篇傳于世其詠鷓鴣詩尤工號鄭鷓鴣  
袁皓字退山宜春人博學工著述咸通六年擢進士  
第任撫吉二州刺史有治聲龍紀元年自集賢殿  
圖書使出採訪圖書二年赴闕卒皓著碧池書三  
十卷自稱碧池處士又集道林寺詩二卷並見唐  
藝文志

袁州府志

卷之十

六

鍾傳萬載人以負販自業僖宗時討王仙芝有功拜  
江西團練使俄拜嶺南節度使檢校太保中書令  
爵潁川郡王尋徙南平王黃巢亂後州縣廢貢舉  
惟傳歲薦士行鄉飲禮率官屬資以裝齎故士不  
遠千里趨之傳少時好射獵嘗醉遇虎與之鬪持  
虎不置會人斬虎及貴歎曰士處世尚智謀勿效  
暴虎因畫搏虎狀以戒子孫

唐廩萍鄉人乾寧元年登進士科官至祕書正字集  
正觀以前文章爲正觀新書三十卷見唐藝文志

廩有詩十四首在宜陽集

南唐

宋齊丘字子嵩萬載人父訥宋志曰誠攝鎮南軍節度使推官守大理評事齊丘少孤好學善屬文兼習機變權詐之術豫章亂遂隨衆東下時李昇刺洪州延四方之士往依焉甚被親禮昇移鎮京口朱瑾之難常叅豫謀議昇入輔政修舉禮法親附賢士寬徑薄賦民用安輯皆其助焉昇欲重用之爲徐溫所惡乃以爲殿直軍判官凡十餘年不遷

袁州府志

卷之十

七

徐溫卒擢拜左司員外郎累遷諫議大夫兵部侍郎叅議機密甚叶民望吳王欲倚以爲相會請告如豫章改葬其父遂入九華山啓求退居吳王連召不至時李璟爲大將軍遣使諭起之既至除中書侍郎遷右僕射平章事昇受吳禪遷司徒知尚書省以疾乞解職授洪州節度使璟襲位復召爲相俄乞致仕出爲浙西節度使表乞歸九華賜號九華先生封青陽公食青陽縣賦未幾復起爲洪州節度使悉以軍政委寮屬遂爲終焉之計以所

居舊里愛親坊爲衣錦坊大起第宅日與寮屬燕  
樂數歲遷太傅保太十三年周師圍壽春召還都  
計事明年諸將敗于正陽舉國震恐樞密院陳覺  
與鎮南節度使李徽古素附齊丘每對璟言齊丘  
多謀是造國手今患難方殷請委以國事璟不悅  
又明年璟遣鍾謨李德明相次奉表于周請稱藩  
世宗使德明復命議割江北諸州以和齊丘言割  
地無益璟計無所出遂割地內附由是得謝歸青  
陽卒七十二著化書十卷理訓十卷行于世

沈彬字子文宜春人少好學屬唐末亂離隨計不捷  
南游湖湘隱雲陽山與浮圖虛中齊己俱有詩名  
尋歸鄉里時李昇鎮金陵旁羅隱逸名儒宿老命  
郡縣起之彬赴辟知昇欲取楊氏因獻觀畫山水  
圖詩云須知手筆安排定不怕山河整頓難昇覽  
之喜遂授祕書郎保太中以尚書郎致政徙居筠  
之高安以卒

李徽古萬載人篤學有詞藻南唐登第後以樞密副  
使除本州刺史離都日李主賜以內庫酒入宜春



界每經一村落必召耆舊親知藉地飲酒盡歡而去到郡靜理壁立凜不可干嘗以私財百萬代鄉人輸稅惜以累賜死互見賢守志

徐鉉字乾瑋萬載人十歲能文交泰中爲左右廂兵馬檢校國子祭酒兼御史中丞有才辯時稱爲江南文士所撰有江南實錄江表志弟錯與鉉齊名宋李穆使江南見鉉及錯文章歎曰二陸不能及也入宋累官集賢殿學士所著有說文通言方輿

記

袁州府志

卷之十

九

王穀宜春人南唐初登第長于樂府有鴻詞譔苦熱一行暑日觀道傍樹玉樹曲尤膾炙人口其玉樹曲云內宴明朝日玉樹新妝逞嬌逸三閣霞明天上開靈鼉震疊神仙出天花數朶風吹綻對舞輕盈瑞香散金筦紅絃旖旎隨霓裳玉佩參差轉璧月夜瓊樓春蓮舌泠泠詞調新當時狎客盡尸祿直諫犯顏無一人歌未闋晉王殿上粘腥血君臣猶在醉鄉中一面已無陳日月聖唐御宇三百祀濮王桑間宜禁止請停此曲歸正聲願將雅樂調正

私較未第時嘗負氣忤人人欲毆之較揚聲曰莫  
無禮我便足吟君臣猶在醉鄉中一面已無陳日  
月者其人欽在慚謝而退

彭世昌字襲之宜春人謹身修行以名節自持楊行  
密據淮楚召為長史未幾謝病歸隱于郡之修仁  
鄉一日有豪猾子數百為羣劫之曰吾徒遭亂世  
未有所託方今德足而智有餘莫若君請隸焉世  
昌正色叱曰果汴之間真人出矣譬之日也四方  
鼠輩其猶燭火不息未之有也不知命數而逞無

袁州府志

卷之十

十

窮之欲智者不為也敢辭復請又辭三請之不從  
設棘簣繫其上而焚之諸孫仕宦有聲

按嘉定志云自漢迄五代人物得諸傳記有事  
迹可書者此外復有唐五十七人止有詩見宜  
陽集及登第年甲互見于古圖經題名記今列  
其姓名于後

朱 廸 錢 識 賈 譽 謝 茂

謝 昉 楊 鴻 楊 堯 易 偲

易之武 韓 受 潘 綱 徐 煥

趙拙 梁燭 伊播 武灌

劉溫其 黎球 戴遲 殷琪

曾繇 戴光義 何迎 蔣肱

晏璩 陳炯 何幼遜 易標

李旭 晏塘 徐瓊 歐陽薰

伍唐珪 潘洵美 袁希古 宋鵬舉

劉仁祥 李餘慶 易廷禎 彭維岳

李甲 張為 謝辟 陳嶰

吳罕 黃諷 劉望 李滄

袁州府志

卷之十

十一

彭遵 劉廓 周確 梁珪

張咸 許洞 蔣勲 趙防

崔絳

宋

劉式字叔度新喻人

宋以前新喻屬袁州

唐時以春秋公穀之

學舉進士是時張洎主衡獨放式一人太祖平

江南羈旅入京歷鴻臚丞出監通州和豐倉

入判三司都磨勘司時財賦充斥無所明辨式條

其闕漏創主轄支收司姦吏畏服淳化中齎冊往

諭三韓歸轉太常博士嘗賜御書法帖六十軸終  
刑部郎官

許載字德與萍鄉人端拱二年登甲科先是嘗與王  
欽若御試因醉再試又中作詩寄親友有只把文  
章謁帝居便從平地躡空虛之句終都官員外郎  
知歙州

易言字應之宜春人少任俠有口辯真宗朝覆水壘  
寇宜州邊帥不能制募辯士往說之言應召單騎  
往酋長迎之喜待之甚恭後竟歸順休兵言書永

袁州府志

卷之十

十一

和二字于木填之以金因廣西帥遣使人貢真宗  
嘉之賜以官言任氣居官不能久後元昊擾邊近  
臣多薦言可任上見其老不欲遣行但令赴流內  
銓任樞府司戶叅軍

李奇字子正宜春人景祐元年登第嘉祐中任職左  
員外郎性慷慨不事產業悉以祖產分兄弟仍戒  
子孫不得追取既卒族人端以詩哭之有祖來產  
業分兄弟身後詩書遺子孫之句

李奇明字晦之宜春人博學精于聲律累被鄉薦時

一人爲之語曰宜春易著明擲地作金聲與石曼卿  
延年爲詩友太常少卿張羣贈詩有之子宜陽秀  
文章甲輩流之句天禧二年賜三班奉職終于左  
班殿直

朱景陽字仲舒萍鄉人景祐元年登第在官有能名  
性公介不苟合人有片善稱道不已見纖毫之惡  
則惡之終職方郎中

李衢字叔達宜春人唐西平郡王晟裔孫也太中祥  
符元年登第官至屯田員外郎嘗倅筠陽寬慈不

袁州府志

卷之十

十三

擾後以子贈特進子士安士燮孫珪政和八年登  
第

夏侯錫分宜人天禧二年進士衡州司理叅軍稍遷  
吉州判官歷知南康興化軍皆以善政聞治平中  
轉朝奉郎都官屯田郎中致仕子公績元豐八年  
進士裔孫士章元末登第官終瑞州路學教授

李士安字永和宜春人以特奏同學究出身爲人不  
妄喜怒累爲州牧後請老得養生之術視聽不衰  
年九十七卒官至朝奉大夫

李士燮字和甫初名梁登慶曆六年第後改今名爲人剛正不撓所至吏民畏愛嘗知彬州人未嘗見其笑容仕至職方郎中

李觀士安從侄度量如黃叔度文章如元次山嘗著論有顏子幾之內孔子幾之外之說史傳諸書過日成誦慶曆二年試南宮賦偶失韻主司嘉其策特奏名登第時方冠知清江縣事熙寧初爲大官令會重修御廚奉神宗旨撰記尋言役法不便出倅括蒼題詩直廳有自知不是公侯骨夜夜江山

入夢來之句元祐初監江州太平興國觀司馬温公爲相以書召觀觀許之後而淹留江上日久比至京温公已薨除虔州不就請監南嶽廟以歸觀嘗創玉谿洞自號玉谿叟爲之傳洞有抱一堂水仙亭香雪塢錦繡谷常醉吟其中於世味淡如也少好神仙嘗遇異人劉海蟾後撰萬載燕州神記及岳州呂公亭記每以得道自任而排斥釋氏至老不衰將卒數日不食惟覽太平廣記神仙事跡且曰蓬萊方丈吾其歸乎卒年七十三累官朝議

大夫

朱彥博字元施萍鄉宜風人嘉祐八年進士元豐中  
通判潁州秩滿上神宗皇帝書極言當世利害召  
見稱旨擢廣西運判尋遷江西運判以勞再任歷  
知虔瓠解三州及湖北憲副所至有聲嚴明而不  
苛察官吏畏之如神仕至朝散大夫

彭持字知權分宜人少喜學西漢文爲諸生時知軍  
州事張顥稀簡接士求見者先令詩賦方得通士  
無敢進者持奮曰是謂秦無人矣因入謁顥令作

袁州府志

卷之十

十五

日新之謂盛德賦藏器待用詩皆立就張大稱賞  
貢入太學與臨江孔武仲齊名擢進士甲科元豐  
間累遷至司農丞出爲監司終奉議郎江西提舉  
彭舉正萍鄉人有節行張士遜在相府聞其名辟之  
門下嘗夜試之舉正不爲動以特奏名補國子博  
士陞衡州刺史

高漸字善時萍鄉人熙寧末進士寧鄉尉論新法有  
行而未便便而未盡善者凡十策卽何正臣上之  
不報調廣州錄事叅軍建中靖國初再疏極言請

正元祐元符二后君妾之分崇寧初朝廷治上書  
人編管撫州列名黨碑大觀二年預八寶赦與起  
居舍人黃庭堅等同時復官尋召之會卒  
梁公价字寶臣分宜人少孤力學熙寧中進士調贛  
縣簿稍遷承信郎守四門博士

歐陽中立人初試部郎上書言新法不便以司  
馬光門人坐元祐黨籍廢卒弟子私謚節孝先生  
曹傳宜春人元符三年與弟藻子遷同登進士人名  
其堂曰三桂傳官至朝請郎知常州藻宣教郎知

袁州府志

卷之十

十六

益陽縣遷通直郎知彬州兄子邁崇寧中進士積  
官中奉大夫廣西運判直秘閣兼權安撫使

彭俞字濟川宜春人少隱集雲峯學邃于易自號蓮  
山子紹聖四年進士知溧陽縣理冤獄甚多監司  
連薦之稍遷至朝散郎俞所著有君子傳三卷循  
吏龜鑑十二卷貫通篇五卷時議二卷文集二百

卷

沈莊可分宜人宣和間進士知錢塘縣嗜菊庭植嘗  
數百本晚年退居益放情于菊後以九月九日死



朱熹哭之詩曰愛菊平生不愛錢此君原是菊  
仙正當地下修文日恰值人間落帽天生與唐詩  
同一脉死隨陶逕葬千年如今忍向西郊哭東野  
無兒更可憐

李格字承之萍鄉人幼孤力學雖執爨手不釋卷有  
龜前讀書詩一篇傳于時既長通五經目重瞻觀  
一書五行俱下鄉老曰此吾邦行秘書也登元符三  
年進士爲人特立許幹薦于朝以作詩諷新法被  
論下獄竟得直歷職州縣同官多憚之嘗著墨梅  
袁州府志

卷之十

十七

墨蘭賦子產論春秋指歸若干卷子著號小山有  
詩百餘篇

湯夢觀萍鄉人崇寧間舉進士知循州時蠻寇劫掠  
旁郡恒相戒不犯夢觀境事聞朝廷嘉之除六路  
坑冶鑄錢提點

蕭杞萬載人宣和六年進士甲科杞學邃于易精大  
衍之數歷官通判廣州軍州事有治聲稍遷至市  
舶提舉

李師愈字夢授分宜人宣和間進士調永新簿再遷

貴池丞皆不赴扁其堂曰見一取林下見一人之意有集十五卷

鄭銓字應權宜春人學通六經工太字長于詩宣和間兩貢上舍不偶棄歸學者踵門日衆建炎三年金人犯江西銓上書知州事王仲疑言時事責其守城著排姦黨說極論崇寧人才之弊年八十卒又嘗自號應菴學者稱應菴先生

張瑄字子律宜春人少從學郊元鼎熟于典故尤工五言詩歷官州縣以材諳稱立朝靖重不苟守嘉興卒上念之加直祕閣瑄平居不事生產仕至二千石喪歸貧無廬其清約如此然勇于爲義周人之急未嘗以匱乏辭子嗣古

張嗣古宜春人登紹熙庚戌進士甲科歷起居舍人官至中奉大夫直龍圖閣真寧縣開國男食邑三百戶致仕卒嗣古有文名慶元以後凡郡邑紀述文翰多出其手弘碩典麗蔚爲時宗詳見宋宜春

### 郡藝文志

羅尚文字明善萍鄉人少負俊才嘗謁閣門使

令賦詩有人間酒客兼詩客天上文星與將星之  
句後登進士第授武昌軍節度推官時中丞李常  
爲帥每燕集必召尚友凡樂語詩詞皆卽席成因  
日爲席上才子

黃嘉萍鄉人靖康初爲太學生從陳東伏闕上書請  
誅蔡京及用李綱退請開封責府尹王時雍曰初  
見獻熙豐事將喜君有爲乃今姦邪如此時雍  
唯唯執政者見嘉輩論事曰諸公日止食國家二  
升米耳吾徒有愧多矣後終廉州司法叅軍

袁州府志

卷之十

十九

歐陽椿字永年分宜人本廬陵六一先生之族紹興  
中進士瑞金主簿稍遷至道州判官改判臨江軍  
轉儒林郎永州教授進通直卽賜緋魚服未老以  
奉議卽致仕蕭散林泉號宜林老人有自備集行  
世

譚綺字德新萍鄉人少嘗事學稍長勇健過倫游京  
師有堂吏竒之妻以女應募從康王使河北授承  
事卽及王卽位綺掌飛龍內廐積一月加十三資  
官至團練使

修字文叔洋鄉人年十七領鄉舉入京獻書宰相  
張浚浚奇之隆興初以累舉特奏名時高宗方圖  
恢復修謂中興與創垂義同宜法太祖乃稽求國  
史類錄爲太祖聖謨纂要及陳時務大事從泰廣  
西軍事討平荆賊李楫著鬱林紀事一篇又上言  
二廣通販鹽法事宜與當國者異竟格其實不行  
致仕弟偃不仕著芻蕘古議五十卷今亡

趙善堅字德固宋宗室家宜春乾道間進士簽書  
州判官朱熹爲浙東常正使器之歲旱賑卹有條

袁州府志

卷之十

二十

所全活甚多歷官皆有治聲官至戶部尚書

孟浩字養直宜春人乾道間進士知武寧有聲王閩  
自豫章召參大政力薦之朝遷國子監丞出知湖  
州與貴幸忤罷歸起爲潼川路轉運判官尋以直  
祕閣提舉四川常平茶馬浩狷廉不妄取與強明  
精敏洞見事情常以州判官攝臨江軍奉給一無  
所受爲文章有法度所著有臚技集

文彥直字益之洋鄉人好學雖避寇山中猶誦讀不  
輟紹興初以恩補漢陽軍事判官終淮陽軍節度

推官弟彥光建炎初進士未仕卒

羅長康字偉正宜春人進士歷官寺丞出知永州迎其父以養因名州署之後堂曰戲綵待制胡寅記夏執中字子權宜春人父協生女爲孝宗皇后追封信玉補執中承信卽閣門祇候稍遷閣門宣贊舍人初后去家時協已亡執中貧甚及后物色得之攜其妻入京或諷使出而別婚貴族執中不應一日后親與之語執中誦宋弘事以對后默然執中稍貴卽折節從師學善大字及騎射高宗行慶壽

袁州府志

卷之十

十一

禮近戚爭獻珍玩執中獨大書一人有慶萬壽無疆以獻高宗喜賜賚甚渥嘗爲館伴副使與金使射連發皆中金人駭服孝宗聞其才將召用之謝曰異日無累陛下保全足矣官至奉國軍節度使提舉萬壽觀封宜春郡公寧宗卽位加少保卒贈太師

胡安之字叔器萍鄉人受業朱晦菴先生之門經史兼義多所著述郡守程公許葺南軒書院聘安之爲諸生講說學者稱自齋先生

孫汲字公善分宜人寄籍臨江應舉由朝散郎監司  
知其才檄權吉州吉素號煩劇汲居不越月境內  
稱治時黃庭堅爲泰和令作詩送之曰宜春別駕  
鄉丈人來假廬陵二千石

孫億字延齡分宜人擢進士第知吉州永新縣吉民  
歲市縑六萬餘匹主外計者收帑錢以供他費給  
鹽以償縑直億發其弊吉租歲收四十萬斛漕臣  
意在聚歛億預戒庾吏定收什二以充羨餘守州  
約拒臺命出納一用倉式徙知白州卒家贈葬余

袁州府志

卷之十

襄公靖爲誌其墓

易克字正翁號中州分宜人唐狀元重之後幼聰敏  
拔羣年十六七博通易書詩號三經處士教授鄉  
間遠近從學者甚衆所著有中洲文集

趙若燭字竹逸分宜人景定中進士知光澤縣子嗣  
誠博通經史宋亾不仕立教于鄉及其門者衆所  
著有詩書經箋註名曰粗通

胡從義萍鄉人少爲吏後刻苦力學中進士甲科仕  
至員外郎

晏父字明祭宜春人風度秀整主趙崇濂後濂逮繫  
又自請詣獄但以瘦死其詩見谷音集

元

趙榮字榮甫分宜人由吏學發身仕至朝請大夫萍  
鄉州知州致仕子彥文以賢才徵知閩縣事

歐陽玄字原功號圭齋其先分宜坊里人祖遷瀏陽  
玄魁湖廣鄉貢進士及第歷官翰林學士承旨封  
楚國公贈大司徒文章道德師表當世所著有圭  
齋文集刻郡中

袁州府志

卷之十

三三

彭應雷字震卿分宜人延祐間舉儒士授南寧路判  
官稍遷蘭谿州同知有清白聲擢知象州以奉訓  
大夫安福州知州致仕

夏鎮字定遠宜春人以春秋登進士授茶陵州判官  
終奉訓大夫鎮學行端飭爲文章簡嚴有法度學  
者多宗之

袁州海牙字伯源高昌人祖爲袁州稅務大使遂爲  
宜春人海牙登至正甲申進士授承事郎進賢縣  
達魯花赤興革利害茂著廉勤飾公守新學舍爲

士民仰戴善屬文

彭繼凱分宜人至正末歐普祥陷袁州繼凱募義勇  
起豐樂鄉迎戰大破之會安福士袁明東等亦引  
兵來賊退走州遂反正乃下令禁殺掠修城池繕  
甲兵弔死恤孤民稍賴以安行省丞相伯顏承令  
署繼凱本路同知時路總管寶童失守奔贛繼凱  
遣人迎歸反嫉之會秋宴客伺繼凱醉刺殺之  
城中驚擾所集義士皆散路再陷于祥

子中萬載人受學臨川吳激奇其篤志以子

袁州府志

卷之十

二四

妻之至正丁卯舉于鄉授龍泉縣學教諭激嘗題  
真書堂曰大本有虞集記

夏以忠字尚之宜春人宋信王夏撫族孫號懷魯軒  
以春秋試大都路流寓科第二授翰林國史院編  
修官調國子助教遷大史院都事洪武元年明師  
克燕悉官其知名士以忠獨以老病辭詔許歸會  
遣使搜訪元史強之如江廣以忠辭不得命行至  
番禺卒大史金華蘇伯衡著文哀之

明



名也簡宜春人學邃于易詩春秋吳元年徵入京授  
尚賓館副使陳時務五十條及進皇王大學通旨  
奉詔使交趾至南寧道卒所著有尚賓集孫衢舉  
於鄉常州府通判揚州府同知有政聲

劉仲質字文質分宜人洪武初舉爲宜春訓導有薦  
仲質好學博通經史者召對稱旨授翰林編修文  
林郎歷官至禮部尚書十五年四月詔天下通祀  
孔子增修學校并書生廩膳上諭仲質曰孔子明  
帝王之道以教後世使君君臣臣父子子綱常

袁州府志

卷之十

二五

以正夔倫攸叙其功參于天地今天下郡縣廟學  
竝建而報祀之禮止行京師豈非闕典卿與儒臣  
共定釋奠禮儀頒之天下學校令每歲春秋仲月  
通祀之是年十一月戊午設諸殿閣學士職如宋  
制命仲質爲華蓋殿宋訥文淵閣吳伯宗武英殿  
吳沉東閣鮑恂余詮張長年全思誠文華殿俱大  
學士上親制誥文賜仲質曰朕閱宋書見尚文之  
美崇儒之道廓焉且當時諸儒皆以賢德輔景運  
三百有奇今特效宋制殿閣之名必期近侍有補

文竝歐蘓劉仲質才頗稱任授以華蓋殿大學士  
奉議大夫爾往欽哉仲質耆儒宿學方被榮遇未  
幾黜爲監察御史卒

袁天啓分宜人元季歐祥陷袁州天啓集民兵禦之  
不克祥怒屠其鄉天啓匿江灣柳下獲免明初舉  
儒士以病背授本縣儒學訓導卒

劉澤民字朝佐宜春人邃於經術能詞章洪武元年  
以賢才舉授縉雲知縣有政聲民稱劉父陞嘉興  
府同知

袁州府志

卷之十

二六

歐陽貞字元春分宜人從學士揭傒斯鄉進士夏鎮  
學工古文元季退不仕洪武初以易經魁江西鄉  
試授考城主簿改扶溝以老歸所著有周易問辨  
三十卷史提鈎七十卷餘學初集龍江叢稿東齋  
寓錄貧樂集自號石戶農

簡廸字居易萍鄉人洪武初以明經舉充儒學訓導  
庚戌春大守朱守仁以學行獨高薦陞本府教授  
至京試吏部召對大廷考優等除浙江道監察御  
史遇事敢言天顏爲霽明年以疾三乞骸致仕自

號薊溪老人所著有傳嚴類彙行于世祀鄉賢  
黃子澄名湜以字衍分宜人少從歐陽貞學易周與  
學授尚書清江梁寘授春秋子澄初見寘令作枯  
梅詩卽賦曰百千歲樹未爲枯三五箇花何太疎  
聞道石門春意動不知會有暗香無寘奇之洪武  
癸亥貢入國學明年魁應天鄉試乙丑舉禮部第  
一廷對賜進士第三人授翰林編修陞修撰遷春  
坊講讀官侍東宮擢大常少卿命入內閣備顧問  
建文帝爲太孫時坐東角門謂子澄曰諸王尊屬

袁州府志

卷之十

二十七

擁重兵奈何對曰諸王僅有護兵纔足自守萬一  
有變以六師臨之誰其能支漢七國非不強卒底  
亾滅小大強弱之勢不同而順逆之理異也太孫  
喜每呼子澄黃先生及卽位倚任子澄謂曰先生  
無忘東角門之言子澄頓首曰不敢遂出與尚書  
齊泰議削奪諸王兵權周齊湘代岷五宗王皆坐  
徙進子澄太常寺卿是時文皇方奉藩于燕上書  
求諸王過狀不報遂傳檄言子澄泰離間骨肉靖  
難兵起耿炳文諸將相繼敗北子澄奏遣李景隆

爲大將代炳文復大敗歸詔釋不問子澄慟哭曰  
景隆出師觀望懷二心不亟誅何以厲將士都御  
史練子寧亦執景隆于朝且哭且數請誅之皆不  
聽江淮諸將連敗子澄拊膺慟哭曰大事去矣誤  
薦景隆萬死何贖靖難兵至淮上建文帝不得已  
逐子澄且密使募兵而以竄齊黃使告燕令罷兵  
不許蘇州知府姚善言子澄文武才畧顧及置散  
地快敵人心胡失計至此始急召子澄未至金川  
門失守子澄走蘇州欲從姚善共勤王卒就擒至

上前將釋用之抗詞不屈上命截其手足以處初  
子澄舉進士與子寧實甲乙至是同死子澄年四  
十四族六出江西者皆誅其子珪玉等得籍崑山  
收遺骸延宗祀者皆姚善之力一子走易姓名田  
經過赦家湖廣咸寧正德辛巳進士黃表卽其後  
也洪熙初御史劉璉私撰誌銘又百年後提學僉  
事邵銳建祠分宜縣萬曆四十七年知府黃鳴喬  
申復祖塚建墓興祀創祠府城歲祀之詳見遺事

龍鐔字德剛萬載人少游鄉校穎敏不羣出入經史兼長詩文草隸所與師友者梁寅黃子澄也年十九選入南宮曹國李文忠司成宋訥遇以國士薦知高皇帝召對稱旨帝器之命同貢士張宗濬等隨春坊官分班入直講悉民間田里稼穡陳古今孝幼文學諸史數年詔治水于泰州視軍遼東川雲隨試輒效所經利弊當興革者悉以聞高皇帝引對右順門嘉其能特授浙江按察司使正己率百司修明德教歲薦饑餓俸贖悉捐濟各郡尤不避

權貴以故爲明士所忌遷長洲知縣兩浙士民遮道泣送歸侍養歲餘適晉府恭王薨世子幼上難其傅都御史袁泰刑部侍郎張思恭以鐔對起爲晉之左長史至任王禮重之委以督兵重權時西戎寇太原鐔率諸軍禦之戰于河汾有功文皇帝師起北平檄徵晉兵靖難鐔泣曰高皇帝封建諸王設置護衛所以奠安宗社今北藩日昌倉卒調兵非先帝意也固拒之文皇帝引兵至城下諭招王王曰兵權出長史司旋諭鐔曰借兵進香鐔對

皇上無告兵豈可借督軍士堅壁不出文皇力攻  
不克竟趨金陵入正大統飛詔械鐔下錦衣獄鐔  
不屈歲癸未十月九日死焉有收其遺骨得衣帶  
中所自血書有口捐生固煩弗事二主別父與兄  
忍慟肝腑盡忠爲臣盡孝爲子二端于我歸于一  
所衣色形骸歸于故二年僅四十子叔馳叔颯方  
數齡今其遺艸及諸名公哀輓詩文猶存  
黃伯奇分宜人資性純篤雅尚禮義洪武解舉才行  
老成授金華知府蒞政嚴謹吏服其能

袁州府志

卷之十

三十

嚴孟衡字衡中分宜人永樂乙未進士授山西道監  
察御史公形貌魁碩稟心峻潔爲御史正色立朝  
屢疏大臣不法百司憚其風采陞浙江按察司副  
使蒞任之先夕胥吏不戒于火案牘燬在事皆夤  
緣規避公身自引辜受罰運甓逾年有自其枉薦  
公者會景泰元年赦令復職時法網稍密公悉心  
平反至一牘中理寃濫數十人丁外艱服除屢遷  
至四川右布政使凡三年卒于官輿襯歸舟無行  
李涉江風盪舁道旁巨石鎮舟石卒委棄新喻路

左士人用梁蹊坎猶呼爲布政石好事者銘其  
有扁舟羽駛是作蒲羸沐漑仗信庸蜀著清之句  
五子析產各止田二畝五分長子璉贈少傅叔子  
瑛魁丁酉鄉試失耕鄰人田赴試時猶秉鋤收芋  
田水里人至今傳之

劉蓋字迪誠萬載人永樂乙未進士授給事中詔巡  
撫湖廣表循良黜貪墨綽有風采以論事忤旨調  
通州判官尚書周忱贈詩官仍七品恩波重身歷  
三朝姓字香尋復爲給事中言愈切直謫嚴州府

袁州府志

卷之十

三一

經歷卒

郭彥明號恕齋以人才辟舉授湖廣黃陂丞事繼母  
以孝聞母愛已子而忌彥明所分產不無肥磽彥  
明不與之爭竟以產歸其弟弟感悟鄰有不獲贍  
毋鬻其妻者公聞之貨以貲克全其夫婦越數年  
隣夫婦踵門謝併完原貲彥明日有急不周忍人  
也敢望報乎不受以子儀貴贈郡丞

易節字時中萬載人永樂乙未進士授行人歷禮部  
員外郎宣德間知成都府陞貴州左布政使有惠

政遠人化服卒于官江西人物考云羗夷率服事  
治民安至孝來青蛇之異哀聲動黃鳥之羣祀名  
宦鄉賢

郭瑾字邦器萬載人永樂甲辰進士授刑科給事中  
陞都給事中獨持風裁忠謹寒謗特進刑部右侍  
郎以論中官忤旨出知廣西潯州府未幾復原官  
轉本部左侍郎懇辭歸大學士楊文貞士奇贈曰  
六年刑部無冤獄十載黃門有諫章家居蔬水無  
營布袍菅屨人不識其爲司寇也每以買田築室  
袁州府志

卷之十

三二

戒子孫卒年八十三始終清節一統志稱其持身  
端謹元愷齊科充足當之祀鄉賢

李瓊字蘊素萬載人宣德乙卯舉人仕高安縣訓導  
歷詹事府校書進汀州府知府剛明正大首建學  
校決訟如神吏無侵漁時上杭寇害躬詣撫降民  
安之見汀名宦志祀鄉賢

朱鑿宜春人少浮湛里中不事作業年三十二見諸  
生學心慕之始挾冊入鄉塾昕夕咕嚕忘倦里諺  
曰朱落拓三十二歲讀大學後由鄉校升國子領



京闈鄉薦爲徐聞知縣純實方確有古風鄉黨尤稱其孝

羅紳字尚訓宜春人宣德末年貢先任四川鹽亭知縣成化年間復任廣東廉州府石康縣知縣八年流戡陷城父子三人死節奏聞立忠孝祠特祀又入名宦祠石康後廢廟祀併合浦

袁魯訓字宗道宜春人唐碧池先生之裔生而穎異有詩文名清高自守曾賦桃花馬詩見志鈐邑令大奇之景泰癸酉鄉薦登成化丙戌進士授東陽

袁州府志

卷之十

三三

令蒲鞭不事丁外艱服闋補蒙城縣豈弟慈祥擢北行人司正時汪直萬安輩專橫公雅志解組適同年羅一峯以論李賢見謫遂歎曰直道不容如此哉乃慕五柳先生之風老和樂園植六柳以自娛號六柳居士山居十餘年不入公門有司罕見其面詳門人都御史張鳳傳中

袁慶祥宜春人以貢入太學待選吏部上疏言賞賜過濫所出不償所入又論刑部尚書董方身不執法而折辱屬官以自厲又言正本澄源宜從學校

胃監親民之職宜慎簡縣令黜衰老以息貪污宜  
用夏埏張元禎高明羅倫以從士望書奏詔杖之  
東筆門

蕭義字宜之宜春人成化辛丑進士授吏部稽勲主  
事卒義操履端方問學典實文詞雅暢袁士多師  
之所著有葵菴集

歐陽汶字伯魯分宜人以明經行修舉授開封府學  
訓導改永康不受士贄師範嚴整進國子學錄嘗  
疏論時事遷周府長史改伊府致仕家居不造城

袁州府志

卷之十

三四

府時論服其清介

郭紳字廷章宜春人成化乙未進士授寧海知縣侍  
講方孝孺縣人也事淹國禁紳至首刻方正學集  
創祠祀之擢監察御史巡按雲南歷陞貴州叅政  
福建布政使太僕寺卿至南京刑部右侍郎卒紳  
器宇凝重雖歷崇顯而居鄉待人不設城府寬厚  
簡樸有長者風子叙正德丁丑進士授刑部主事  
歷官雲南僉事貴州叅議

高苑字德資宜春人成化戊戌進士歷知松陽上海

二縣治行第一、擢南京監察御史歷陞浙江左布政使右副都御史撫治鄖陽琬器貌端重曉達民事慎名檢守松江俗尚侈靡身爲儉約食不重肉客至魚鱸果脯一飯而已河南襄漢盜起琬同都御史彭澤討平之璽書獎勵賜白金文綺召還將大用遂謝病歸年八十有五卒初姓劉後復姓高祀鄉賢子祉中鄉試任太僕寺丞

張鳳字應時宜春人成化辛丑進士授江浦知縣歷長樂內黃皆有政聲歷陞廣西叅政奉璽書掌思

袁州府志

卷之十

三五

恩軍民府事時土夷爲亂至則斬其渠魁撫循其衆地方以寧轉南京太僕少卿尋陞南京都察院右僉都御史提督操江改巡撫蘇松三河盜起齊魯騷繹河運不寧進右副都御史巡撫山東兼理河道事平力陳致仕卒于家

郭鵬字時舉宜春人弱冠中鄉試第一明年入胄監沈思日進益讀莊騷秦漢以上文祭酒崔銑試之魁太學卒年二十九

龍士通字允升萬載舉人任長汀知縣長汀地饒而

俗黠士通冰蘖自矢供具日止腐菜家僮三人見其清苦遂逸其二士通題一聯于署云一力自隨官舍足獨衾無愧夢魂清高御史對按閩風力嚴峻特薦士通遷彰德府同知旋卒

彭鳳分宜人剛方博洽登嘉靖乙未進士選庶吉士擢編修以名節自持冊封岷藩故事諸餽遺悉却之獨以骯髒落職居家分俸贍族割田供祀倡拓家牖定祭禮衍聖論及藍田約乙巳邑學敬一亭侵于權貴力請改建得復原基卒之日殮具不給

袁州府志

卷之十

三六

直指曹公檄郡邑助之著有館稿山房等稿藏于家季子彭士兆選貢生博學好友人亦稱之

李香字汝蘭分宜人正德辛巳進士初授工部主事抽分徐州值歲荒捐俸賑窮瘞死轉刑部郎尋擢廣左兵憲綏靖蠻寇朝廷褒之補任山西受命勘邊深入撫勦歷陞四川巡撫都御史大理正卿外疾致仕歸香清恬端莊宦轍所經靡不服其公廉家居敦尚孝友捐橐贍族親修學宮卒祀鄉賢祠

長子李慶余亦篤孝友時權門奪其父產不從遭

潛繫獄吟詠自如後事白復學應貢高尚不仕  
易鸞字鳴和幼聰穎五歲能詩正德十五年奉文建  
黃太常忠臣祠鸞自呈願以已地豎祠助修登嘉  
靖癸未進士授和州知州下車手較權量使民盡  
一時有易公秤斗之號政善民安修和州志皆出  
公自撰陞刑部郎奉差審錄三十八歲卒子弘器  
中嘉靖丙午鄉試第一家居清澹博古善文未仕  
卒

何爾字邦美宜春人嘉靖己丑進士授舒城令持廉  
袁州府志

卷之十

三七

秉公吏民畏服擢兵部主事改河南道御史巡按  
蘇松一意激揚微行出訪遇舟子爲地方厲甚竟  
治之三吳大吏憚其丰采入掌計典公平不阿林  
居十載執政復以書起辭曰吾守吾舊不能降心  
以從人也每郡中有大利病侃侃陳說人德之  
楊以誠字明夫宜春人嘉靖戊戌進士授行人奉使  
岷藩推廣東道御史巡陝西茶馬嚴絕吏弊復巡  
按廣東約浮費簡將士彈劾不職賊吏望風解者  
十餘人兩監棘闈搜剔積蠹以遭訪歸里行李蕭

然人服其清

楊以正字吉夫宜春舉人博學工古文辭居母喪不就內榻者三年性剛介寡諧晚號大仰山人尤砥礪名節雖屢困吟誦自如不仕卒郡守劉公錄其行爲文哀之所著仰山藁藏于家

朱任字子重宜春人爲人高潔疏宕嘗自矢以聖賢可師侍父疾三月不解衣及舉明經司訓進賢身率諸士厲廉恥未幾致仕諸生白督學固留至欲立碑志思焉生平不治費蕭然懸磬人以重金請

袁州府志

卷之十

三八

輒却之往往以詩文見志云

宋良佐字守忠萬載人嘉靖乙丑進士授淮安推官清修有爲擢兵科歷陞戶科都給事美委而文時瑣闥有宋黃門之稱彈壓不避權貴如正德嘗通海運肅閣監停翫作載大政記中陞太常卿大理右少卿謝病歸癸酉秋卒四壁蕭然鄉鄰推重宋希堯字叔中分宜人性宕蕩和易下筆如注萬曆丁丑進士二甲三名時江陵不丁母憂鄒元標以進士特疏劾希堯亦侃侃對其子言不幸以故

刑部未幾稱病卧鈴岡越歲出補工部繕司管京  
倉竹頭木屑必親以過瘁得疾卒祀鄉賢鄒元標  
有墓銘

簡繼芳號慶源萍鄉人負資異敏年十三與童子試  
邑令楊自治見而奇之稱爲崑山片玉遂補諸生  
家貧篤學舉隆慶丁卯鄉試萬曆丁丑進士歷官  
雲南副使所至稱廉謹以老告歸著學菴堂集詩  
文十卷鄒元標序

袁州府志

卷之十

三九

陳巽言字汝說宜春舉人教諭宜興轉上杭知縣清  
救端重不阿當路績轉維摩知州告養生平孝友  
廉靜寡慾學以性命爲宗布衣蔬食恬如也著有  
陽明先生摘要一卷

張璧字世良萬載人萬曆癸未進士授南京兵部職  
方司主事歷員外卽遷武庫司郎中值營兵缺餉  
脫巾譟呼公單騎擒首亂卒以鎮定遷廣西按察  
司僉事巡左江邾關門例數千金興學校課諸生  
定交南黎莫二氏構殺之亂轉右江叅議忤直指

使改雲南叅議分守金滄條議從大理採石省麗  
江額解金歲革樣金四十八兩值歲饑斗米錢三  
百臺司議以米代杖每就禁多斃公歎曰吾寧違  
新法以一官易多命下令悉除之全活三百餘人  
士民德之嗣謝病歸尋陞本省副使當道累檄不  
起卒于家其伯父賢仕有罪公嘗破產贖之疾病  
者無親踈爲醫藥困乏者給之喜讀南華好鍾王  
法帖尤愛蘭亭及卽世遂以殉著連山集行世祀  
雲南名宦子汝梅仕定州同知

袁州府志

卷之十

四十

趙濂分宜人父錦安貧嗜學嫻于詩賦著有草堂集  
行世濂幼習庭訓聰穎絕倫弱冠選貢授石埭令  
累遷惠州郡丞所至有惠政事親以孝聞撫姪如  
子處族里昆弟恤孤賑貧好引進後學邑人稱爲  
東谷先生年九十五卒所著有丙餘錄歸田藁寄  
適集等卷藏于家子伯冠工古文詩詞以貢官大  
理推有治行稍遷養利守卒所著有行寓錄滇中  
藁等書

夔號性菴萍鄉人少游邑庠父喪廬墓三年註孝



經萬曆初請京上書給賜深衣大帶許以布衣游  
行郡縣講學後與鄒南臯劉瀘瀟諸先生闡明理  
學江右皆仰宗焉年七十餘終

彭士遠字利見分宜人癸酉舉人初授廣西賓州知  
州移河池州州素患土孽公至恩威並著廉得其  
渠魁地方寧謐州素不知學公拔子弟之秀者親  
督課開廩餼士頌其作人尋遷鳳陽同知以河功  
加俸賞捧卒于京居家恂恂雅飭嘗分俸置義田  
以贖族人

袁州府志

卷之十

四一

彭自新字滌之萬載人萬曆壬辰進士授行人陞刑  
部郎中任九載出守四川重慶府時楊酋初定公  
爲善後陞本省副使丁內外艱服除補川南道歷  
陞雲南叅政分金滄時雲龍逆酋段進忠謀襲  
奪官擁兵叛公訪擒勦滅渠散脅雲永遂得安  
枕迤西以平撫按交章薦美遷本省按察使以疾  
致仕歸天啓癸亥卒初爲大行卽抗疏請元子冠  
婚大典一時重其手采仕滇有戡亂功見滇南政  
蹟

字元遠，宜春人。少負才名，性孝友，以貢選人。大  
學舉順天辛卯鄉試，仕瀾陽令。有侃侃節子，堵來  
省一飯，卽令歸曰：「母擾吾百姓甫三月，以不阿鎮  
瑞孚民命，棄官歸，絕無私謁。關利病者，輒爲有司  
告，與修郡乘多所維挽。」子大人，俱以文學顯。光裕  
光祺先後鄉薦，克承其志。光祺字賚賢，端謹嚴重，  
讀書淹洽，遭郡多故，祺條議戰守，激揚忠義，上書  
辭督，語極憤切。後教授萬山，中曰：「靖節仁山吾師  
也。」爲詩歌多沉痛疾革語。諸子曰：「吾今得爲完人。」

袁州府志

卷之十

四二

矣正襟卒

宋九儀字夔卿，萬載人。九齡出，應童子試，三試皆第  
一。十二食餼，二十六恩選，部試授建寧知縣。尚文  
學，課農桑，禁女巫，戒溺女，廣倉儲，歲凶，招俸積穀。  
邑人曰：「宋公倉士民愛慕，爲立生祠。」九儀取其本  
主以歸，曰：「吾不務虛名也。」入覲，還力請終養，事親  
以孝聞。林居三十餘年，僅郭田三畝，惟吟詠自娛。  
有和淵明六詠以見志。年八十一，終晚境。環堵子

著環堵漫言

軾字欽禮宜春人年十四次父下帷力學補博士  
弟子試輒高等入闈不遇敎然曰泉石可耳藪笋  
可嗜而奚區區爲惟日誅子以程朱之學且曰遇  
則匡時不遇則抱策季子業泗成進士歷宦有聲  
亦不色怡曰兒輩自了事耳求田問舍絕口不言  
日與里中講鄉約訓民行學者稱爲東泉先生年  
七十有二子五人著名者三以業泗累贈漳州府  
知府

嚴堯日號用汲分宜人選貢舉庚子順天鄉試讀書

袁州府志

卷之十

四三

淹貫詩文力追古大家善真艸署泰和學博闔郡  
士俱來學吉水劉同升臨川陳際泰皆與焉大司  
馬郭公子章稱曰建學以來未有如先生者也文  
水鄒公元標倡會講學公究晰性理鄒推服乙卯  
分校蜀試壬戌鄒起總憲招爲幕屬公辭復署汾  
西卒公見義慷慨如闈分邑學門廛舍署泰和築  
壩建浮圖署汾西則建魁樓皆極力擔荷居家孝  
友所著有白華錦藁西昌襍艸孫一晁順治辛卯

鄉薦

袁業泗宜春人字時道別號景源萬曆戊戌進士知  
一樂清縣改蘭谿丁父憂再補龍溪所至著循績擢  
一南京兵部職方主事進武庫員外郎中特疏請撤  
一湖口稅璫李道遂罷其權江上下千里稱便知漳  
一州府漳故多盜公梳櫛綢繆俾無震擾士民親附  
乙卯歲饑公發倉賑之又勸民出粟分遣諸吏乞  
糴潮陽諸鄰郡以濟不給治糜置藥安集拯救無  
遺力全活數千人後以入覲行漳民繪圖祀公一  
時稱盛事丙辰陞福建屯鹽道副使公爲人端亮

袁州府志

卷之十

四四

有介節高行念母太恭人年八十餘乞養家居天  
啓中闖黨魏忠賢等亂政公堅卧不出崇禎改元  
召補廣西副使分守左江其俗多不知學公誘以  
文教士類興起遷廣東叅政分守嶺東與分巡謝  
連平九連山賊地介惠潮兩郡多反側肇置連平  
州所部以寧遷浙江按察使未至以功賜白金文  
綺徵爲內京鴻臚寺卿加一秩公將赴浙時會廣  
寇劉香等薰起震濱海諸縣督府留公決策議者  
請撫公不可曰國家全盛蠶爾鼠子憑山海陸深

義當滅此朝食議撫是長盜也且賊性觀望遲遲聽之始矣督撫猶豫不能川公遂謝去代公者果以輕撫墮賊計死乃合兵勦平悉如公言是時有識者爭倚重公公在鴻臚二年歎曰卿曹雖可卧治奈何老不知止哉再疏乞骸骨歸崇禎甲申三月聞京師陷痛憤成疾八月終于家享年八十一而乞養家居者十有三年予告者十年杜門屏跡不齒利祿篋無長物自守令至藩臬分司多在閩粵間山阻海澨威著惠行閩粵五嶺之民皆曰是

于我大有造其守漳時黃石齋道周爲諸生公獨早識之卒爲名臣嘗修郡志辨袁州糧額誤編狀請紓民困後議汰浮糧卽引爲依據表黃太常子澄遺事具載于書他如周族黨建義倉治橋梁凡有裨于郡者輒身先之不以私干公府文詞詳贍樸茂著有訓蒙編燕游州兩朝奏議秀橋歸來集若干卷子繼樟繼梓皆賢樟貢士早卒繼梓康熙甲辰進士

吳三益號受玄萍鄉人萬曆甲辰舉進士授大理評

事陞右寺正出守邵武尋改徽州府丞所至以敏  
練著聲晚年林居與修郡乘子應庭中書舍人孫  
兆麟貢士

張承詔號篤柴分宜人萬曆己未進士授蘇州推官  
廉明風厲吏民畏服遷禮部主事崇禎戊辰擢戶  
科歷工科都給事中果決敢言如關三朝要典劾  
諸閣臣風裁譽謗具載崇信錄中庚午主考山東  
所錄多名士陞太常少卿南太常卿通政使刑部  
左右侍郎戊寅署尚書以會審事力主正議按璫

以法忤旨閑任識者惜之子士元孝友溫和丁內  
外艱尚壯年以哀悼鬚髮盡白丁亥歲大稔饑殍  
載塗元養粥以賑全活者衆孫祖德亦舉鄉試

彭大科號媿名分宜人萬曆丁酉舉人初知漢川縣  
縣有河名劉家陂者巨鎮也商賈絡繹歲額派商  
稅八百金協濟潞府以縣丞駐隔地徵收率以爲  
常癸丑河關舟楫不通而稅仍歲徵隔民苦之公  
至與邑紳周公嘉謨議請之當事列疏入告得允  
所請裁冗員罷隔稅賢聲蔚起撫按交薦調知廣

江有惠政陞北城兵馬時權增魏忠賢用事公徑  
守正不阿左遷景東同知會璫敗推工部營繕主  
事監督陵工官錢無所私以勞瘁請告清標卓行  
士民稱之

嚴雲京號志印分宜人生平謹厚爲文根據理要尤  
長于易萬曆乙卯舉鄉薦崇禎辛未授大湖縣諭  
丙子知平原修城繕器除弊救荒民德之戊寅以  
城守著績陞兵馬指揮御史楊公仁愿給事中陰  
公潤俱疏薦壬午召對授御史屢有條奏薦黃公

袁州府志

卷之十

四七

道周楊公廷麟姜公曰廣劉公同升等尤稱侃侃  
巡按河南兼監軍時汴圍越月公疾趨受事促諸  
鎮左良玉劉澤清許定國等進兵援汴圍稍解水  
幾賊復合公激勵諸鎮熾賊報效而諸鎮竟鼓譟  
引去值霖雨彌月平地成川賊決河灌城城沒而  
汴圍獲解公集舟數百編筏冒大浸營牧宗潘史  
民等會上別遣監軍代公乃歸杜門却掃惟地方  
利害慨然引陳祀鄉賢

袁一鳳號鳴岐宜春人萬曆己未進士器宇修偉操

履質實初工部主事陞虞衡員外郎中曉暢吏事  
善治繁劇逆璫廉其能有意鈎致之公持不爲動  
守西安清介自持不妄取一錢未幾遷副浙憲時  
海塘崩潰奉旨修築估費十五萬金公身任其役  
用四萬金而工成浙人德之歷楚藩臬久之以塘  
功加右布政使癸酉卒於官

鍾烝字叔憲號昭明分宜人天啓壬戌進士授中書  
考選戶科歷禮科都給事中縝密不妄言嘗以袁  
賦浮重又遼餉加派煩多約諸紳在朝者疏請豁

袁州府志

卷之十

四八

減卒以部議格未盡行識者恨焉庚午主試湖廣  
一時稱得人陞太常太理少卿順天府尹太理正  
卿吏工二部左右侍郎左都御史公體貌魁梧器  
識沉練時謂公且大用以會審事秉筆忤旨革職  
回籍林居十餘年罕談時事庚寅卒

黃希憲原名金貴字雙南分宜人天啓乙丑進士知  
順德縣擢御史兩淮巡鹽時中費用爭額課不足  
特疏更綱槩政一新巡按甘肅約浮費飭將吏禦  
變有方畧遷大僕少卿應天巡撫三吳漕白二糧



民苦已久公至力爲請命海寇王尚忠蹂躪崇明  
各村落公熾渠散脅吳松悉平自是恩威並著晉  
秩河道總督兼兵工二部侍郎崇禎末公疏薦宣  
城應聘建言諸生沈壽民學行可大用爲部議所  
格不報又嘗議特祠黃公子澄公性剛氣豪見義  
勇爲乙酉值姦黨用事陪京誣公河工冒餉下詔  
獄會喪亂出亡卒于紹興大用未究士民哀之

袁繼咸字季通號臨侯宜春人少砥志節登天啓乙  
丑進士授行人奉使致祭壽陽王禮成以王所遺

袁州府志

卷之十

四九

名馬贈却弗受崇禎庚午拜御史疏請辯君子小  
人進退之介甫兩月條奏盈篋爲仇者誣訐謫南  
行人司司副遷禮部主事時中官王坤以監視貪  
悍而張彞憲總理戶工事怙勢凌轢諸郎吏率望  
風蒲伏公屢疏痛言上頗采用癸酉典粵東試遷  
山西提學慎所簡拔巡撫吳姓疏薦其治行以忤  
巡按御史張孫振被誣逮問晉諸生伏闕訟寃都  
御史白其事逮孫振公得復原官分守武昌改淮  
揚道尤多擿伏性剛強與督鹽中貴楊顯名抗禮

顯名傳其才請加救兼視監事實抑公受制也  
公倔強不問如故遂坐免流賊張獻忠寇湖廣督  
師楊嗣昌檄公監軍禦之累陞僉都御史撫治鄖  
陽數困賊辛巳二月賊襲陷襄陽而公實分治鄖  
軍爲部議所摺復被逮繫論戊午薦起總理河  
北屯田初總兵官左良玉軍襄陽襄鄧連敗引踞  
安池間轉餉不繼兵寢爲暴上下數百里江帆中  
斷公徑趨小孤致書良玉責以大義復告都御史  
李邦華爲言九江道府移川黔餉十餘萬餉之左

兵自是不暴掠然不肯一戰上特命閣部吳甦出  
視師始議設督府九江扼吳楚吭于是以公總督  
諸軍事公聞獻賊圍武昌疾馳趨左師西援見浮  
屍蔽江下指謂良玉曰大將軍忍見此乎左面赤  
然難其行公讓之曰大將軍功多罪亦不少朝廷  
不督過之一歲兩遣中使宣諭開國徐中山所未  
有也奈何不圖報稱良玉左右以他辭爲解公叱  
曰人孰無死張睢陽死賀蘭進明亦死某行矣寧  
爲睢陽死不爲賀蘭生左大慚始進師先以五千

人往公捐金犒兵授計屢敗賊收復蘄州大治武昌諸州縣賊棄武昌走岳州無何吳牲中讒罷公復改屯田會新督呂大器與良玉有郤聞于朝復移公督九江軍良玉挈兵還楚弘光立進封良玉寧南侯氣益盛公之再爲總督也雖以夙望見推兵事多撓掣不盡由已出乙酉四月賊益東逼時南京用事者亂政良玉指清君側劫諸將盟欲南下公集諸將城樓灑泣曰兵諫非正晉陽之甲春秋所惡可同亂乎肅冠帶誓死未幾兵將洶洶卽

良玉亦不能制夜入亂九江良玉見火起拊膺曰吾負江督吾負江督遂嘔血死是時大清兵將

定金陵英王師壓九江矣良玉子夢庚以軍降挾公俱北公再四求死不得八月抵京數奉

諭旨令遵制易服以朝公辭不從自寒徂暑坐一室讀易春秋史鑑及謝臯羽諸集祚經觀史觀二書未就丙戌六月二十四日復諭令就官不然且死公曰不殺固清朝之仁效死實明臣之義越二日赴死于城東便門里許三忠祠南臨刑色不

夔初公被拘舟中賦詩見志有曰衰年奉二老一  
死酬至尊從容文山節誰招燕市魂詩文及奏議  
多散軼不傳

袁一鰲字占梅宜春人萬曆己酉舉人授江山知縣  
調邵陽入爲南大理評事陞刑部主事員外郎審  
決河南擢寶慶守吏民憚服喜獎拔士類以忤岷  
藩解綬乙酉秋卒

張兆觀號雲階分宜人溫厚嫻文辭三中副車舉明  
經通判邵武府鎮靜有政蹟擢守黔開州首建學

袁州府志

卷之十

五二

一校苗民始知書獻兵革而州以寧開人于學旁立  
祠尸祝焉尋以補官道卒

何山字叔子宜春人幼穎悟文特縱放督學雲怡蔡  
公廣成侯公屢拔第一崇禎己卯魁鄉試庚辰會  
一牘餘姚孫公嘉績首薦主試薛公弗錄識者歎焉

朱允恭字君培分宜人舉萬曆戊午鄉試授望江知  
縣臺司交薦時淮海彫殘公以循良高等遷守海  
州焦勞拮据地方稍有起色會忤當事去任終歷  
成都新津所至慈惠著聲早失父而貧事母孝

弟方五齡公撫育之不衰凡所入不以自私丁亥奇荒公日不能食粥猶簡敝衣鬻于市以周親族之貧者癸巳冬卒

劉映洙字崑懸宜春人少浮湛諸生間氣豪宕崇禎壬午舉春秋鄉試第一後棄家祝髮誅茅澗醴溪山不復出尋卒

張兆蘭字以綺分宜人性豪逸強記能文崇禎己卯督學廣成侯公拔第一辛巳選貢壬午廷試唱名禮部諸生皆跪伏兆蘭獨長揖宗伯奇之入大學

袁州府志

八卷之十

五三

鄉試報罷歸癸未冬憤獻賦陷袁僞署官屬糾衆謀殺僞知縣龍方捷恢復邑城事覺爲所執殺之萬年橋上始終無屈詞士林悲之

袁繼樟字樞若宜春人大鴻臚景源公長子少靖重不苟爲文沉厚能詩癸未拔貢嘗游金陵維揚恣意山水間多所憑吊歸而學益進郡司理王公延詢器重之每與周諮地方利弊如清四差革幫解禁里甲充夫馬經收佐益爲多癸巳疾篤惟以未得終母養齋志爲恨云

明字日章分宜人幼失怙恃弱冠方就學勵志  
節丙寅以恩例明經任大名府魏縣值寇殘隣邑  
鈔掠城下單騎撫諭去以治河著功時督府盧公  
嘉其能署叅永平軍戊寅己卯開大水丁亥奇荒  
煮粥施米全活甚衆司理王公延禔爲題其廬曰  
德門遺老云

國朝

陳之龍號去亢宜春人登天啓辛酉鄉試爲人明敏  
英達有文武才初任常德司理風采卓然歷守乾

袁州府志

卷之十

五四

州同知西安銳意當世聲望大著遂監賀軍治兵  
關內順治乙酉擢授巡撫廬鳳淮揚等處地方都  
察院右僉都御史公至加意拊循威惠並訖後以  
疾歸鍵戶著述課子數留意地方如汰浮糧輯郡  
志等事尤卓卓云庚子卒所著有甓湖小草偶吟  
諸集今祀鄉賢